

# Cyngor Cymuned Llanystumdwy

Rhaglen waith y Cyngor - nos Iau, 4ydd o Ebrill 2024 yn brydlon am 7:00 y.h. yn Ffestri Pencaenewydd ac yn rhithiol drwy Zoom (gellir cael mynediad i'r cyfarfod drwy gysylltu ar ebost hefo'r Clerc.

1. Ymddiheuriadau.

2. Cyflwyno a chadarnhau cofnodion cyfarfod y Cyngor a gynhaliwyd ar 7fed o Fawrth 2024.

3. Llofnodi cadarnhâd taliadau BACS yn dilyn cyfarfod 7fed o Fawrth 2024.

4. Datgan buddiant personol.

5. Cynghorydd Sion Aled Jones wedi anfon ebost at y Clerc yn ei hysbysu ei fod am roi y gorau i fod yn Gynghorydd Ward Llanystumdwy. Bydd yn terfynu ei wasanaeth yn dilyn y cyfarfod mis Mawrth 2024. Bydd angen cysylltu hefo Cyngor Gwynedd i'w hysbysu, a rhoi rhybudd yn nodi fod sedd wag yn Llanystumdwy.

6. Effaith polisiau ail gartrefi a llety tymor byr - arolwg i holi barn pobl ifanc yr ardal  
Derbyniwyd gwybodaeth gan Steffan Smith, Rheolwr Peilot Ail gartrefi a Fforddiadwyedd, Llywodraeth Cymru. Mae cwmnïoedd ymchwil Alma Economics ac OB3 wedi cael ei penodi i werthuso effaith polisiau ail gartrefi a llety tymor byr, ag asesu effaith gwaith y peilot.

Mae'r gwerthusiad yma am redeg tan 2026.

Fel rhan o'r gwaith yma mae'r gwerthuswyr eisiau casglu profiad a barn pobl ifanc - rhwng 18-35 mlwydd oed.

Mae hefyd am siarad gydag asiantaethau/grwpiau hefo cysylltiadau da gyda'r oedran yma, ac angen unrhyw awgrymiadau/cysylltiadau ar gyfer grwpiau o'r fath.

7. Chwilio am Gefnogaeth par Cynllun Heddlu Ysgolion

Cais gan Cyngor Cymuned Dolbenmaen yn gofyn am gefnogaeth parthed penderfyniad Llywodraeth Cymru i roi gorau i ariannu'r Cynllun Heddlu Ysgolion. Mae Cynghorwyr Cymuned Dolbenmaen am godi'r mater yma gyda Mabon ap Gwynfor a Liz Saville-Roberts a gofyn wrthynt roi pwysau ar Lywodraeth Cymru i ail ystyried y penderfyniad yma.

Mae'r Cynllun Heddlu Ysgolion yn darparu deilliannau addysgol hynod o bwysig i blant.

Materion gan Cyngor Gwynedd

8. Rhaglen Waith Trafnidiaeth a Priffyrdd  
Mis Ebrill 2024

Lleoliad Gwaith	Disgrifiad o'r Gwaith
Bryn Gwynt, Afonwen, Chwilog	Draeniad
Cae'r Ferch, Pencaenewydd	Atgyweirio ochr ffordd
Hafan, Chwilog	Atgyweirio gwli/draen
Penarddillygad, Rhoslan	Atgyweirio cwlffert

## 9. Cyngor Gwynedd – ceisiadau cynllunio yn y gymuned

### (a) Cais rhif: C24/0208/41/LL - Bodarwen Lôn Goed, Afonwen, Pwllheli,

Estyniad i stablau presennol ac adeiladu 'menagerie' newydd 40m x 20m

### (b) Cais rhif: C24/0214/41/LL – Ty'n Ffridd, Afonwen, Pwllheli

Cais ol weithredol i newid defnydd i safle storio a trwshio carafanau ynghyd ag adeiladu ffens a gosod llawr caled.

## Materion yn y gymuned.

### 10. Llanystumdwy

a) Carnifal - mae trefniadau ar y gweill i gynnal carnifal yn y pentref ar 10.05.2024 a'r bwriad ydi cael gorymdaith o'r ysgol i'r maes parcio. Maent yn bwriadu gofyn am gau'r ffordd am amser o tua hanner awr, ac wedi edrych ar amserlen y bysiau i wneud yn siwr na fyddai hyn yn amharu ar yr orymdaith.

### b). Amgueddfa David Lloyd George - Cyfarfod Bwrdd Prosiect, Cyngor Gwynedd

Derbyniwyd eost gan Nicola Jones, Swyddog Prosiect yn dweud ei bod yn ail ddehongli Amgueddfa David Lloyd George yn Llanystumdwy ac yn awyddus i gael sgwrs hefo partneriaid er mwyn cydweithio er budd ein cymuned. Mae cyfarfod wedi ei drefnu yn Nhafarn Y Plu, Llanystumdwy ar y 22ain o Ebrill am 4:00 y pñawn ac mae croeso i unrhywun ymuno i drafod ei amcanion.

### c) Mynwent Newydd Llanystumdwy.

Rheoliadau Ailgylchu newydd i fysnesau. Derbyniwyd gwybodaeth fod gytundeb wedi ei wneud hefo Cyngor Gwynedd i symud y bin gwyrdd oddi yno, a bydd bin brown gardd yn cael ei osod yn ei le. Maent wedi archebu arwyddion i fynd ar y bin a'r ddwy giat yn dweud mai gwastraff gwyrdd (gweddillion blodau a phlanhigion) yn unig sydd i'w roi ynddo. Bydd angen iddynt fynd ag unrhyw sbwriel arall oddi yno. Gobeithir y bydd pawb yn cydymffurfio, ac efallai y gall y Cynghorwyr ledaenu'r wybodaeth yma.

## 11. Rhoslan/Ynys

### 12. Chwilog/Llanarmon

a. Llwybr o dan bont Afonwen am y traeth - Hafan y Môr – derbyniwyd gwybodaeth pellach gan Rhys Roberts, Swyddog Llwybr Arfordir Rhanbarth Gwynedd yn dweud bydd y llwybr dros dro ar gael eto rwan. Dywedodd fod Hafan y Môr yn dweud y byddant wedi cwblhau y gwaith o ran y llwybr cyhoeddus gwreiddiol erbyn yr 17.05.2024. Felly, bydd y llwybr yn symud yn ôl i'w leoliad gwreiddiol yn dilyn y dyddiad yma. .

### b. Maes parcio Hafan y Môr.

Mae sawl siale yn y maes parcio sydd ar draws y lon i Hafan y Môr ers tro, a dim son am gais cynllunio yma. Angen gwneud ymholiadau.

## 13. Pencaenewydd/Sardis

## 14. Llangybi

## 15. Materion Ariannol

Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon eost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 31.03.2024. Mae hyn yn cadw golwg manwl ar y gwariant sydd eisioes wedi ei wneud.

16. **Taliadau** BACS angen cael ei gwneud yn dilyn y cyfarfod:

Cyflog mis Mawrth 2024 y Clerc i'w rannu rhwng y Clerc a Chyllid a Thollau EM.

<b>Enw/Rheswm</b>	<b>Swm £</b>	<b>Cyfanswm Taliad net £</b>	<b>Taliad BACS:- £</b>
Cyflog sylfaenol Clerc, Mawrth 2024 35 awr y mis x £16.67 = £583.45	583.45 116.80 -llai treth <b><u>£466.65</u></b>	<b><u>466.65</u></b>	<b><u>466.65</u></b>
Cyllid a Thollau EM Treth ar gyflog y Clerc Mawrth 2024	584.00 x 20% = <b><u>£116.80</u></b>	<b><u>116.80</u></b>	<b><u>116.80</u></b>
Costau swyddfa'r Clerc Mawrth 2024	<b><u>£26.00</u></b>	<b><u>26.00</u></b>	<b><u>26.00</u></b>

### **17. Materion hwyr**

Bydd angen penderfynu os mai ar y nos Iau **09.05.2024** fydd y cyfarfod nesaf, a chyfarfod blynyddol yn Neuadd Llanystumdwy, ac yn rhithiol.

**It is possible to get an English translation of any minute, please contact the Clerk.**